



CONVENIO DE COLABORACIÓN CULTURAL ENTRE A CONSELLERÍA DE CULTURA, LINGUA E XUVENTUDE E A ASOCIACIÓN GALEGA DE EDITORAS, PARA A REALIZACIÓN DE ACTIVIDADES DE PROMOCIÓN E CONSOLIDACIÓN DO SECTOR DO LIBRO E PARA O MANTEMENTO DA ASOCIACIÓN, NO ANO 2025.

En Santiago de Compostela,

REÚNENSE:

Dunha parte, a consellería de Cultura, Lingua e Xuventude (en adiante, “a Consellería”) e no seu nome e representación, José López Campos, en virtude do seu cargo de conselleiro de Cultura, Lingua e Xuventude, para o que foi nomeado polo Decreto 44/2024, do 14 de abril, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa Presidencia e o artigo 2 da Resolución do 8 de abril de 1991, pola que se publica o acordo do Consello da Xunta de Galicia do 27 de marzo de 1991.

Doutra, a Asociación Galega de Editoras, con NIF G15130594, (en adiante a AGE) e no seu nome e representación, Miguel Toval Porta, na súa condición de presidente, segundo as facultades que lle outorgan os seus estatutos.

As dúas partes interveñen en función dos seus respectivos cargos e no exercicio das facultades que ostentan, se recoñecen reciprocamente capacidade legal suficiente para o outorgamento deste convenio de colaboración e, en consecuencia,

EXPOÑEN:

Que as dúas entidades son conscientes da necesidade de actuacións de carácter sociocultural que permitan unha adecuada oferta, co obxecto de satisfacer as necesidades en materia cultural.

Que a Xunta de Galicia ten atribuídas funcións en materia de fomento da cultura, de acordo co establecido no artigo 27.19º do Estatuto de Autonomía, en consonancia co estipulado no artigo 148.1º.17ª da Constitución Española. Dentro dese ámbito competencial, a Consellería vén desenvolvendo dende anos atrás unha serie de actuacións encamiñadas á divulgación, información e promoción da cultura, para achegar o máximo posible o noso patrimonio cultural á sociedade en xeral.

A Lei 17/2006, do 27 de decembro, do libro e da lectura de Galicia (DOG núm. 7 do 10 de xaneiro de 2007) recoñece o libro e a lectura como instrumentos indispensables para a transmisión da cultura e para o desenvolvemento da nosa identidade. Ademais, procura





a promoción do libro galego e da súa lectura polo que supoñen de contribución xenuína de Galicia ao marco mundial da cultura.

Contéplanse nesta lei medidas que perseguen colaborar coas editoras galegas e as súas asociacións profesionais no seu funcionamento e naquelas actuacións que se articulen arredor da actividade editorial e no seu dobre aspecto de ben cultural e de ben industrial e económico.

En concreto, no seu artigo 15.2 considera necesaria a colaboración entre a Administración autonómica e as editoras galegas mediante accións específicas encamiñadas á promoción do libro galego tanto en Galicia como fóra dela.

Para dar cumprimento ás devanditas disposicións normativas, a Consellería quere apoiar o funcionamento da AGE e as súas actividades de promoción do sector editorial galego dentro e fóra de Galicia.

Pola súa parte, a Asociación Galega de Editoras, fundada hai 40 anos, conta con 46 editoriais asociadas na actualidade, exerce o labor de representación das empresas editoriais galegas de ámbito privado. Integrada na Federación de Gremios de Editores de España, a AGE encárgase da xestión e defensa dos intereses comúns das editoras galegas e a promoción e difusión dos libros galegos. Dende o ano 2011, todas as editoriais galegas que desenvolven unha actividade profesional poden integrarse na asociación, con independencia da lingua na que editen.

A AGE proporciona servizos de información actualizada sobre o sector do libro. Entre os seus obxectivos destacan os seguintes:

- Consolidación do sector libro.
- Integración e cooperación intersectorial.
- Profesionalización do sector.
- Apoio diante dos novos retos impostos pola dixitalización.
- Promoción e visibilización da produción propia.
- Cooperación e establecemento de sinerxías con outros sectores.

A AGE ten previsto desenvolver as seguintes actuacións:



1. XXII Simposio O Libro e A Lectura 2025. A edición do Simposio deste ano centrarase na distribución do libro galego.
2. Xornadas profesionais e formativas dirixidas a asociadas.
3. Participación en eventos organizados por outros gremios de editores, como a Federación de Gremios de Editores de España e/ou CEDRO (Forum Edita, Encontro da edición. Galeusca Editores..).
4. Mantemento da AGE.

A Consellería considera de interese para o sector do libro galego dar apoio á AGE para que esta realice actividades de promoción da lectura e do libro dentro e fóra de Galicia, en colaboración cos axentes do ecosistema do libro galego e da cultura de Galicia en xeral.

Por isto, para acadar unha maior eficacia na execución de actuacións, dado o interese común das partes asinantes, que teñen intereses coincidentes, é polo que asinan este convenio de colaboración, de acordo coas seguintes,

ESTIPULACIÓNS

PRIMEIRA.- OBXECTO

É obxecto deste convenio a colaboración entre a Consellería e AGE para a realización de diversas actividades culturais, accións de fomento e promoción da lectura e do libro como motor do coñecemento, a promoción da formación dos profesionais do sector, así como colaborar nos gastos de funcionamento da entidade.

SEGUNDA.- ACTUACIÓNS

As actuacións obxecto deste convenio son:

1- XXII Simposio O Libro e A Lectura 2025

A edición do Simposio deste ano centrarase na distribución do libro galego e contará con convidadas profesionais da distribución e do sector do libro de Galicia.





2- Xornadas profesionais e formativas dirixidas a asociadas. A súa finalidade mellorar a competitividade das empresas asociadas e as competencias profesionais no sector do libro, en especial para facer fronte aos novos retos do sector e do mercado editorial.

3- Participación en eventos organizados por outros gremios de editores, A Asociación Galega de Editoras asiste ao Forum Edita Barcelona, organizado polo Gremi d'Editors de Catalunya e a UPF Barcelona School of Management. Un evento anual de referencia para o sector editorial e que en 2025 acada a décima edición, centrado na análise e debate de oportunidades, novas ideas e solucións de futuro para o sector.

Celebraranse os seguinte encontros da edición:

- En Xerez da Fronteira en xullo, un evento organizado pola Federación de Gremios de Editores de España no que participarán as asociacións e gremios de editores xunto cos responsables de Economía e Cultura dos grupos parlamentarios e da Administración Xeral do Estado.
- Galeusca de Editores, en xuño: encontro de editores que publican libros en euskera, catalán e galego coa finalidade de analizar, comparar e apoiar políticas editoriais en nacións multilingües. Ademais este ano inclúe o proxecto Lit-Up, proxecto europeo apoiado pola Unión Europea para fomentar a igualdade das linguas entre os socios.

4- Mantemento da AGE. A Asociación Galega de Editoras distribúe os gastos de mantemento da entidade fundamentalmente en:

-Pagamento das cotas da Federación de Gremios de Editores de España. Realizará unha achega de 9.346,00 euros anuais distribuídas en cotas trimestrais.

-Pagamento dos gastos de funcionamento da secretaría técnica e da directiva da AGE. Os gastos da AGE son tanto fixos (mantemento do local e salario) como variables (desprazamentos da secretaría e/ou de membros da directiva a feiras internacionais, reunións periódicas na Federación de Gremios de Editores de España e CEDRO, congresos e eventos organizados por outros gremios de editores, etc...), condicións mínimas e imprescindibles para que a AGE poida vertebrar ao sector editorial galego.





TERCEIRA.- XUSTIFICACIÓN DA NON CONCORRENCIA COMPETITIVA

De acordo co artigo 26 da Lei de Subvencións non é posible promover a concorrência pública para a realización destas actividades, xa que a AGE é a única entidade asociativa e representativa do sector editorial galego.

Por todo o anterior é a AGE a que posúe a especificidade como beneficiaria, así como a da actuación subvencionada e o interese social da axuda concedida.

Así mesmo e de acordo coa planificación estratéxica realizada pola Dirección Xeral de Cultura, para o ano 2025, e dada a especificidade e exclusividade das actividades a realizar baseadas en criterios obxectivos, a sinatura deste convenio encádrase dentro dos previstos nese plan, nos que non é posible promover a concorrência, polas especiais características da entidade coa que se convenia, sendo a AGE a única que pode desenvolver na nosa comunidade autónoma as ditas actividades.

CUARTA.- COMPROMISOS DA CONSELLERÍA. FINANCIAMENTO

A Consellería comprométese a entregarlle á AGE a cantidade de vinte mil euros (20.000 €), como contribución para os gastos de funcionamento da asociación e para a realización das actividades de promoción e consolidación do sector do libro, e asistencia e participación nas Feiras do Libro no ano 2025 que se desenvolverán dentro do ámbito de vixencia do presente convenio. Esta cantidade librarase con cargo ás seguintes aplicacións orzamentarias, dos orzamentos xerais da Comunidade Autónoma para o ano 2025 co código de proxecto: 2015 00372

-13.03.432B.481.2: 7.000 €

-13.03.432B.781.1: 13.000 €

Os gastos de funcionamento son subvencionables se están directamente relacionados coa actividade a subvencionar e son indispensables para a execución da actividade.

Segundo o disposto no artigo 63 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a Consellería poderá realizar pagamentos anticipados que suporán achegas de fondos con carácter previo á xustificación, como financiamento necesario para poder levar a cabo as actuacións relacionadas co obxecto deste convenio. A cantidade máxima que se achegará como pago anticipado será de 11.500€: 5.000 € que corresponderá aos gastos de funcionamento da AGE e 6.500€ que corresponderá aos gastos derivados das actuacións





de carácter cultural, nun único anticipo. O segundo pagamento da cantidade restante non se realizará ata que estean integramente xustificadas a totalidade dos gastos correspondentes á actividade subvencionada.

O artigo 65.1 do Regulamento de subvencións de Galicia establece que os beneficiarios están obrigados á constitución de garantías cando se prevexa a posibilidade de realizar pagamentos á conta ou anticipados; o artigo 65.4.i) recolle que quedarán exonerados da constitución de garantía os beneficiarios das subvencións concedidas cando os pagamentos non superen os 18.000 €.

QUINTA.- COMPROMISOS DA ASOCIACIÓN

- A AGE comprométese a destinar os fondos percibidos ao obxecto concreto para o que foron concedidos. A Consellería poderá comprobar, cando o considere pertinente, a execución das actividades obxecto deste convenio.

- A AGE comprométese, pola súa parte, a facer constar en toda a publicidade que xeren estas actividades -tanto impresa, dixital, como audiovisual- a colaboración da Xunta de Galicia, para o que utilizará a normativa da imaxe corporativa da Xunta de Galicia. Así mesmo, a AGE deberá dar cumprimento ás obrigas de publicidade que se establecen no artigo 15.3 da Lei 9/2007, do 13 de xuño, de subvencións de Galicia e artigo 20.1 do Decreto 11/2009, do 8 de xaneiro.

- A AGE comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tal como se recolle no apartado d) deste artigo, a AGE ten a obriga de comunicar a obtención doutras axudas, ingresos ou recursos que financien as actividades subvencionadas. Tamén será de aplicación o establecido no Decreto 11/2009, do 8 de xaneiro, Regulamento de subvencións de Galicia. Con carácter supletorio, será de aplicación o disposto na Lei 38/2003 xeral de subvencións e no seu regulamento, aprobado polo Real Decreto 887/2006, do 21 de xullo.

- A AGE ten a obriga de prestar colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma e ao Consello de Contas, así como presentar a avaliación de resultados que figura na estipulación décimo segunda.

SEXTA.- COMPATIBILIDADE



A obtención desta axuda é compatible coa obtención doutras axudas, subvencións, ingresos ou recursos para a mesma finalidade procedentes de calquera outra Administración ou entes públicos ou privados, nacionais da Unión Europea ou de organismos internacionais. A suma do conxunto das axudas solicitadas e/ou concedidas para o obxecto do convenio non poderá superar o 100% do custo da actividade a desenvolver, que figura no convenio.

SÉTIMA.- COMPROBACIÓN DE DATOS

Para a tramitación deste convenio consultarase automaticamente os datos incluídos nos seguintes documentos elaborados polas administracións públicas:

Certificacións da AEAT, da Tesourería Xeral da Seguridade Social e da consellería competente en materia de facenda da Xunta de Galicia, acreditativas do cumprimento das obrigas tributarias e fronte á Seguridade Social, e de non ter pendente ningunha outra débeda coa Administración pública da Comunidade Autónoma.

No caso de opoñerse a esta consulta, deberán indicalo expresamente e, ao mesmo tempo, achegar os documentos oportunos. Excepcionalmente, no caso de que algunha circunstancia impossibilite a obtención dos citados datos, poderase solicitar ás persoas interesadas a presentación dos documentos correspondentes.

Así mesmo, de acordo co artigo 10 da Lei 9/2007, o beneficiario deberá presentar unha declaración responsable de non estar incurso en ningunha das prohibicións para obter a condición de beneficiario, sinaladas nos apartados 2 e 3 do citado artigo. Esta declaración deberá presentarse antes da sinatura do convenio.

OITAVA.- COMISIÓN MIXTA DE SEGUIMIENTO

Créase unha comisión mixta de seguimento para aclarar as dúbidas derivadas da interpretación e execución deste convenio, formada pola subdirectora xeral de Bibliotecas e do Libro da Consellería e polo presidente da AGE, ou persoas en quen deleguen.

Serán funcións da devandita Comisión a coordinación e seguimento das obrigas das partes no presente convenio e a resolución dos problemas de interpretación e cumprimento que poidan proporse con respecto ao convenio.

NOVENA.- GASTOS SUBVENCIONABLES. XUSTIFICACIÓN

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007. A data límite de presentación da documentación xustificativa da actividade e, se fora o caso, da





xustificación dos gastos que restasen por aboar ata acadar o 100% da contía concedida, é o 2 de decembro do 2025.

1- Serán subvencionables aqueles gastos que de maneira indubidable respondan á natureza da actividade subvencionada, dentro do prazo establecido e pagado antes de finalizar o período de xustificación. En todo o relativo aos gastos subvencionables deberá cumprirse o disposto no artigo 29 da Lei 9/2007, de 13 de xuño, de subvencións de Galicia.

As nóminas presentadas como xustificación deberán corresponder ao período e realización das actividades e na proporción na que realmente se dedique as mesmas, e ningunha deberá superar os 1.600€

2- De conformidade co previsto na Lei 9/2007, de 13 de xuño, de subvencións de Galicia, para efectos desta xustificación consideraranse os gastos realizados durante o ano 2025, ata a data tope de xustificación da axuda, que respondan, en todo caso, á natureza da actividade subvencionada.

A documentación requirida na fase xustificativa presentarase electronicamente na Carpeta cidadá da persoa solicitante/representante, <https://sede.xunta.gal/a-mina-sede>

A AGE presentará electronicamente a xustificación da subvención dentro do prazo establecido e incluírá a seguinte documentación:

Unha memoria de actuacións xustificativa do cumprimento das condicións obxecto deste convenio, con indicación das actividades realizadas e dos resultados obtidos.

- Unha memoria económica xustificativa do custo das actividades realizadas, que conterá:
- Unha relación clasificada dos gastos e investimentos da actividade, con identificación do acredor, importe, data de emisión e data de pagamento.

As facturas ou documentos de valor probatorio equivalente incorporados na relación á que se fai referencia no parágrafo anterior, e a documentación acreditativa do pagamento.

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe,





a procedencia e a aplicación de tales fondos ás actividades. O importe das subvencións en ningún caso poderá ser de tal contía que illadamente ou en concorrencia con outras subvencións, ingresos ou recursos, supere o custo da actividade subvencionada. Cando a Consellería advirta un exceso de financiamento, minorará a subvención na parte proporcional. En caso contrario procederá o reintegro do exceso obtido sobre o custo da actividade subvencionada así como a esixencia do xuro de demora correspondente.

No caso de que a AGE non xustifique ou a xustificación sexa insuficiente, procederá o reintegro das cantidades percibidas e a esixencia do xuro de demora correspondente dende o momento do pagamento de subvencións ata a data na que se acorde a procedencia do reintegro.

De acordo co disposto no artigo 30.1 da Lei 9/2007, de subvencións de Galicia, a Consellería comprobará a adecuada xustificación da subvención, así como a realización da actividade e o cumprimento da finalidade que determine a concesión da subvención.

DÉCIMA.- PARTICIPACIÓN DOS COLABORADORES

O asinamento deste convenio non implica relación laboral, contractual ou de calquera outra índole entre os profesionais que vaian desenvolver as actividades previstas e a Xunta de Galicia, de tal xeito que a esta non se lle poderá esixir responsabilidade ningunha, nin directa, nin subsidiaria, polos actos ou feitos acaecidos no desenvolvemento do convenio.

DÉCIMO PRIMEIRA.- PUBLICIDADE

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno aberto da Xunta de Galicia incluíndo os datos identificadores das persoas asinantes.

Así mesmo, a AGE, acepta e consinte a remisión do convenio, logo da súa sinatura, ao Rexistro de Convenios da Xunta de Galicia, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o



contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

DÉCIMO SEGUNDA.- AVALIACIÓN DE RESULTADOS

Co fin de valorar os resultados finais en relación aos fondos públicos, xunto coa xustificación, a AGE deberá enviar unha avaliación dos resultados obtidos nas actividades obxecto do convenio, de acordo coas indicacións dadas pola Consellería.

DÉCIMO TERCEIRA.-CAUSAS DE RESOLUCIÓN E MODIFICACIÓN

As partes poderán denunciar ou modificar o presente convenio en calquera momento por mutuo acordo.

O incumprimento de calquera das obrigas contraídas no presente convenio por unha das partes facultará á outra para rescindilo, quedando automaticamente anulados todos os dereitos correspondentes sobre o obxecto do programa de colaboración conxunta, pero non así as obrigas contraídas no mesmo.

O incumprimento de calquera das cláusulas deste convenio constituirá causa suficiente para a súa rescisión, e así mesmo procederá o reintegro da subvención cando concorra algunha das causas previstas no artigo 33 da Lei 9/2007, do 13 de xuño, de subvencións de Galicia.

Por transcurso do prazo de vixencia do presente convenio.

O convenio poderá ser obxecto de modificación de conformidade co establecido no artigo 31.4 da Lei 14/2013, do 26 de decembro, de racionalización do sector público autonómico, cando a modificación teña como finalidade o logro dos obxectivos de estabilidade orzamentaria e sustentabilidade financeira. Ditas modificacións terán por obxecto a redución do volume das obrigas ou a ampliación do seu prazo de execución.”

DÉCIMO CUARTA.- RÉXIME XURÍDICO

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia e a súa normativa de desenvolvemento, Decreto 11/2009, de 8 de xaneiro. Aplicarase con carácter supletorio a Lei 38/2003, do 17 de novembro, xeral de subvencións.





Será de aplicación a Lei 40/2015, do 1 de outubro, de réxime xurídico do sector público. Este convenio ten natureza administrativa. A xurisdición contencioso-administrativa será a competente para o coñecemento de posibles cuestións litixiosas que poidan suscitarse como consecuencia del.

DÉCIMO QUINTA. -CONSENTIMENTO DAS PARTES EN MATERIA DE PROTECCIÓN DE DATOS

As persoas asinantes deste convenio manifestan o seu consentimento para que os seus datos persoais que aparecen neste e máis o resto de especificacións nel contidas poidan ser publicados no Portal de Transparencia e Goberno Aberto. Así mesmo, as persoas asinantes deste convenio manifestan o seu consentimento para que as súas rúbricas consten nas copias que se remitan para a súa publicación no referido portal.

As partes asinantes comprométense a cumprir, en todo momento, as disposicións contidas na normativa básica estatal e autonómica do tratamento dos datos persoais.

Para o cumprimento da finalidade deste convenio, cada unha das partes declara e garante que, con anterioridade á subministración á outra parte de datos persoais de calquera persoa física involucrada na sinatura deste convenio ou no seu desenvolvemento, informará as persoas interesadas de forma lícita, leal e transparente das garantías sobre política de protección de datos persoais incluída no presente documento, e tamén doutros requisitos que puidesen ser de aplicación para a correcta cesión dos seus datos persoais á outra parte. Para tales efectos, as páxinas webs das partes asinantes deste acordo <https://www.xunta.gal/informacion-xeral-proteccion-datos> e <http://www.editorasgalegas.gal> conteñen información relativa ao tratamento dos datos persoais e o modo en que poden exercer os seus dereitos, o contacto cos delegados ou delegadas de protección de datos e demais aspectos esixidos pola normativa vixente no que se refire aos dereitos de acceso, rectificación, cancelación ou oposición, así como aos dereitos de transparencia da información, de supresión, limitación, portabilidade ou reclamación.

Os datos persoais conservaranse durante o tempo necesario para o cumprimento da finalidade obxecto deste convenio e, con posterioridade ao remate da súa vixencia, polo tempo de prescrición das accións legais correspondentes para a tutela do dereito á protección de datos persoais. Os datos destruíranse logo de que transcorra o referido prazo de prescrición.

As partes non lles cederán a terceiros os datos persoais tratados ao abeiro deste convenio, agás aqueles que sexan estritamente necesarios para publicar a identidade páxi-



nas web, nos taboleiros de anuncios, nas redes sociais ou nos medios de comunicación que ambas as dúas partes asinantes determinen.

Os representantes das partes asinantes e demais titulares dos datos tratados ao abeiro deste convenio poderán exercer os seus dereitos de acceso, oposición, rectificación, supresión e limitación mediante o envío dunha petición razoada dirixida á sede da Secretaría Xeral Técnica da Consellería de Cultura, Lingua e Xuventude en Santiago de Compostela (Edificio Administrativo de San Caetano, s/n), ou no seu enderezo electrónico <https://www.xunta.gal/exercicio-dos-dereitos>. Así mesmo, as persoas interesadas que consideren lesionado o seu dereito á protección de datos poderán presentar unha reclamación ante a Axencia Española de Protección de Datos (www.agpd.es).

DÉCIMO SEXTA.-VIXENCIA

O período de vixencia deste convenio será dende a súa sinatura e ata o 31 de decembro de 2025

DECIMO SÉTIMA.- MODIFICACIÓN

Será de aplicación a Lei 14/2013, do 26 de decembro, de racionalización do sector público autonómico, que segundo o disposto no artigo 31.4, este convenio poderá ser obxecto de modificación cando teñan como finalidade o logro dos obxectivos de estabilidade orzamentaria e sostenibilidade e financeira.

Ditas modificacións terán por obxecto a redución do volume das obrigas ou a ampliación do seu prazo de execución.

DÉCIMO OITAVA.-NOTIFICACIÓN ELECTRÓNICA

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e os empregados das administracións públicas para os trámites que realicen con elas por razón da súa condición de empregado público.



As notificacións realizaranse só por medios electrónicos a través do Sistema de Notificación Electrónica de Galicia Notifica, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

DÉCIMO NOVENA.- POSIBILIDADE DE DESISTENZA DO CONVENIO

A Administración da Comunidade Autónoma poderá desistir da tramitación deste convenio.

Este convenio obriga ás partes que o asinan ao seu cumprimento, e ambas as dúas sométense ao acordado en todas as estipulacións. Esténdese en duplicado exemplar, no lugar e data arriba indicados.

Conselleiro de Cultura, Lingua e
Xuventude

José López Campos

Presidente da Asociación Galega de
Editoras

Miguel Toval Porta

